



Արևմտահայկական

Հայոց



Հայաստանի

Համագումար

## «Հայության իրավունքներն ամրագրված են միջազգային իրավական նորմերով ու սկզբունքներով»

Դեկտեմբեր 8, 2010թ. 08:55



Զեկույցն ընթերցվել է նոյեմբերի 27-28-ին Ֆրանսիայի Մարսել քաղաքում տեղի ունեցած Արևմտյան Հայաստանի Հայերի Ազգային Խորհրդի 3-րդ Վեհաժողովում:

Ողջունելով Արևմտյան Հայաստանի Հայերի Ազգային Խորհրդի 3-րդ Համագումարի կազմակերպիչներին ու մասնակիցներին, մաղթելով արդյունավետ և արգասաբեր աշխատանք և գործունեություն անմիջապես ուզում ենք կատարել հետևյալ հաստատագրումները.

1. Հայկական լեռնաշխարհը՝ հայության հայրենիքը, քաղաքակրթական, պատմամշակութային, իրավական բոլոր առումներով հայ ժողովրդի ազգային հարստությունն ու սեփականությունն է, և ոչ ոք իրավունք չունի հավակնել դրան: Մեր հայրենիքի տարածքները կարող են զավթել – օկուպացնել, սակայն յուրացնել՝ չեն կարող, իրավունք չունեն:

2. Հայ ժողովրդի իրավունքների վերատիրացման իմաստով ռազմական, քաղաքական, դիվանագիտական, տնտեսական, մշակութային և այլ բաղադրիչների կողքին շատ կարևոր նշանակություն է ստացել իրավական բաղադրիչը՝ գործոնը, որն ի դեպ, մարդկության պատմության վերջին 100-ամյակի ընթացքում կարևոր թռիչք է կատարել աշխարհում՝ միջպետական հարաբերություններում, որպես ՄԱԿ-ի օրենսդրական նախաձեռնություններ, որպես ՄԱԿ-ի իրավական սկզբունքներ ու նորմեր:

3. Չկա հայության որևէ մի իրավունք, որ ամրագրված չլինի միջազգային իրավական նորմերով և սկզբունքներով, մի շարք կոնվենցիաներով ու հռչակագրերով. ինչպես օրինակ՝ «Մարդու իրավունքների համընդհանուր հռչակագրի», «Ցեղասպանության հանցագործության կանխարգելման և դրա պատժի մասին», «Պատերազմի և ցեղասպանության հանցագործությունների նկատմամբ վաղեմության ժամկետ չկիրառելու», «Միջոցներ որոնք պետք է կիրառվեն ընդդեմ նոր պատերազմի քարոզիչների ու քարոզչության», «Սուտ և նենգափոխված տեղեկատվություն տարածելու արգելքի մասին», «Բնիկ ժողովուրդների իրավունքների մասին» և այլ կոնվենցիաներում ու հռչակագրերում:

Նոր ժամանակներում՝ նոր իրավիճակներին համապատասխան, ազատագրական պայքարում իրավական բաղադրիչը պետք է համարել առաջնային, որովհետև ինչպես մեր հարգարժան հայրենակիցը Արա Պապյանն է ձևակերպել. «Եթե ճիշտ է, որ ուժն է ծնում իրավունք, ապա իրավունքն իր հերթին ուժ է ծնում»: Այդպիսի ուժ է տալիս մեզ նաև Վոլդրո

Վիլսոնի իրավարար վճիռը Հայաստանի և Թուրքիայի սահմանի վերաբերյալ, վճիռ, որն ի դեպ, անբեկանելի է, անժամանցելի և կատարման համար պարտադիր...

Հարգելի հայրենակիցներ, Արևմտյան Հայաստանի Հայերի Ազգային Խորհուրդը ճիշտ ճանապարհի վրա, ազատագրական պայքարի և մեր իրավունքների վերատիրացման ճիշտ ուղիներից մեկն է ընտրել, սատարենք նրան, զորացնենք նրան, համախմբվենք այդ նոր ուղու ու գաղափարի շուրջ և միասին ընթանանք մեր ազգային – պետական բոլոր իրավունքների վերատիրացման, Հայաստանի տարածքային ամբողջականության հաստատման ճանապարհով...

Ուժ, կորով, վճռականություն, իմաստություն և... հաղթանակ բոլորիս:

“Ուխտ Արարատի”, հայրենասիրական հասարակական նախաձեռնություն  
27.11.2010թ.

<http://www.armar.am/?p=57971>

---

*Արևմտեան Հայաստանի Հայոց Ազգային Խորհուրդ*  
**Conseil National des Arméniens d'Arménie Occidentale**

BP 61  
92224 BAGNEUX CEDEX - FRANCE  
e-mail : [haybachdban@wanadoo.fr](mailto:haybachdban@wanadoo.fr)